



INATSIARTUT

Suleriaaseq pillugu Ataatsimiititaliaq
Maani

10. april 2015

UPA 2015/150: Uunga siunnersuut: Inatsisartunut Naalackersuisunullu il.il. ilaasortat aningaasarsiaqartitaanerat il.il. pillugit Inatsisartut inatsisaata allangortinneqarneranik Inatsisartut inatsisaat nr. xx, uu. qqqq 2015-imeerspoq (Inatsisartunut ilaasortat il.il. sulinngiffeqarallarsinnaanerannut il.il. malittarisassanik Inatsisartut aalajangersaanerat)

Inatsisartut ataatsimiinneranni matumani Inatsisartunut Naalackersuisunullu il.il. ilaasortat aningaasarsiaqartitaanerat il.il. pillugit Inatsisartut inatsisaata allangortinneqarneranik Inatsisartut inatsisissaattut siunnersuummik Inatsisartut Siulittaasoqarfiat saqqummiussivoq. Siunnersuut Suleriaatsimut Ataatsimiititaliamut tusarniaanertalerlugu Inatsisinut Ataatsimiititaliamut suliassanngortillugu innersuunneqarpoq.

Aningaasarsiaqartitaanermut inatsimmi sulinngiffeqarallartarnermut malittarisassat pisariillisarneqarnissaat kiisalu sulinngiffeqarallartarnermut najuutinnikkallartarnermullu Inatsisartut suleriaasianni malittarisassanik erseqqinnerusunik aalajangersaanissap Inatsisartunut suliakkiutigineqarnissaa inatsimmik allannguinissamut siunnersuummik siunertaavoq.

Aningaasarsiaqartitaanermut inatsisimmi atuuttumi § 6-imut inatsisissamik piareersaateqarnermi pitsaanngitsumik oqaasertaliisimaneq Inatsisissatut siunnersuutip aamma iluarsivigissavaa.

1. *Aningaasarsiaqartitaanermut inatsimmi sulinngiffeqartarnermut malittarisassat pisariillisarneqarnissaannik taamaalilluni sulinngiffeqarallartarnermut najuutinnikkallartarnermullu Inatsisartut suleriaasianni malittarisassanik erseqqinnerusunik aalajangersaanissap Inatsisartunut suliakkiutigineqarnissaanut siunnersuummut Suleriaaseq pillugu Ataatsimiititaliaq oqaaseqaatissaqarpa?*

Siullermeerutaasumik sularinninnermi sulinngiffeqarallarnissamut akuerineqarsinnaanermut sinniisussamik aggersaanermut aningaasartuutininik ilaasortap pineqartup matussusiinissaata, siunnersuummi § 2, imm. 4-p oqaasertalerneqarsimanera malillugu, piumasaaqatigineqarsinnaanera partiimit ataatsimit isumaliornartoqartinneqarpoq.

Aalajangersagaq inatsimmik atuuttumik ingerlatseqqiisoq aatsaat atorneqarsinnaavoq, pissutissaqavilluni najuussinnaannginneq tamatumunngaluunniit assersuunneqarsinnaasumik

patsiseqarluni sulingiffeqarallarnissamut akuersissuteqarneq pineqanngippat – tassa pisuni sulingiffeqarallarnissap immikkorluinnaq ittumik aningaasarsiaqaataanngitsumik akuersissutigineqarnerani.

Ilisimaneqartutut sulingiffeqarallarnissamut akuersissuteqarnissamut sinniisussamik aggersaanermi aningaasartuutinik sulingiffeqartup matussusiinissaanik piunasaqaateqarsinnaanermut periarfissaq Siulittaasoqarfiup atornikuunngilaa.

Sulingiffeqarallarnissamut qinnuteqaammut tunngavilersuut akuerineqarsinnaasup killinganiittut nalilerneqarpat, aningaasartuutinullu matussusiinissamik piunasaqaatitalerlugu sulingiffeqarallarnissamut akuersissuteqarnerup saniatigut taamaallaat itigartitsissummik nalunaaruteqarnissaq qinigassatuaappat aatsaat aalajangersakkap taassuma atorneqartussaanera ilimagisariaqarpoq. Partiip sinniisussamik aggersaanissaq piunasarippagu aalajangersakkap aamma atorneqarsinnaanera isumaliutigineqarsinnaavoq, aggersaaneq pippat naak sinniisussap sulingiffeqarallarnissamik qinnuteqartoq ulluni ikitsunnguani taamaallaat sinniisuuffgisussaagaa naallu tamanna aningaasartuutinik annertuunik nassataqartussaagaluartoq.

2. Aalajangersagaq peerneqartariaqartutut Suleriaaseq pillugu Ataatsimiititaliamit isumaqarfigineqarpa?

Aningaasarsiaqartitaanermut inatsimmi § 2, imm. 3, imatut oqaasertalerneqarnissaa siunnersuutigineqarsinnaavoq:

Imm. 3. Aningaasarsiaqaataasumik sulingiffeqarallarsinnaaneq aatsaat akuersissutigineqarsinnaavoq Inatsisartunut ilaasortaq pissutissaqavilluni najuussinnaanngippat imaluunniit malittarisassat imm. 2 malillugu aalajangersarneqartut tassungalu assersuunneqarsinnaasut malillugit.

Oqaaseq ataaseq arlallilluunniit aalajangersakkamit katanneqarsimasungapput. Inatsisinut Ataatsimiititaliap allannguutissatut siunnersuummik saqqummiussineratigut tamanna iluarsiivigineqarsinnaavoq. Aalajangersagaq assersuutigalugu ima oqaasertalerneqarsinnaavoq:

Imm. 3. Aningaasarsiaqaataasumik sulingiffeqarallarsinnaaneq aatsaat akuersissutigineqarsinnaavoq Inatsisartunut ilaasortaq pissutissaqavilluni najuussinnaanngippat imaluunniit pisuni imm. 2 malillugu aalajangersarneqartuni tassungalu assersuunneqarsinnaasut malillugit.

3. Suleriaaseq pillugu Ataatsimiititaliaq tamatumunnga oqaaseqaatissaqarpa?

Aningaasarsiaqartitaanermut inatsimmi § 2, imm. 4, , imatut oqaasertalerneqarnissaa siunnersuutigineqarsinnaavoq:

Imm. 4. Inatsisartunut ilaasortaq pisuni immikkorluinnaq ittuni aningaasarsiaqaataanngitsumik sulingiffeqarallarnissamut akuerineqarpat, ilaasortaq aningaasarsiaqartitaassanngilaq aningaasartuutinulluunniit tapiissutinik pisartagaqassanani, taamatullu aamma sulingiffeqarallarnerup nalaani soraarnerussutisiassanut ilaasortaajunnaarnerisutissanulluunniit katersaqarsinnaanani. Aammattaaq sulingiffeqarallarnissamut akuersissuteqarnissamut sinniisussamik

aggersaanermi aningaasartuutunik Inatsisartunut ilaasortap akiliuteqarnissaa piumasaqaatigineqarsinnaavoq.

Aningaasarsiaqartitaanermut inatsimmi atuuttumi § 17 malillugu aningaasarsiat 10%-iisut annertussusilinnik soraarnerussutisiassanut tapiissutitut illuartitsinikkut kiisalu nammineq tapiissutitut aningaasarsiat 5%-iinik illuartitsinikkut soraarnerussutisiassanut ingerlaavartumik katersisoqartarpoq. Taamaammat aaqqissuussap taassuma eqqunneqarnerani apeqqutaalermoq aningaasarsiaqaataangitsumik sulinggiffeqarallarnernup nalaani soraarnerussutisiassanik katersisoqarsinnaanginnera aalajangersakkami siunnersuutigineqartumi attatiinnarneqarnissaa isumaqassanersoq.

Eqqornerussaaq oqaraanni soraarnerussutisiassanut tapiissutitut tunniussisoqassanngilaq – kisianniuna oqaasertaliineq taamaattoq pisariaqanngitsutut nalilernerqarsinnaasoq: Aningaasarsiaqanngikkaanni soraarnerussutisiassanut tapit isummaminnik 0 kr-iussapput.

4. Suleriaaseq pillugu Ataatsimiititaliaq tamatumunnga oqaaseqaatissaqarpa?

Aningaasarsiaqartitaanermut inatsimmi § 2, imm. 5, imatut oqaasertalernerqarnissaa siunnersuutigineqarpoq:

Imm. 5. Inatsisartunut ilaasortaq Naalakkersuisunut ilaasortatut atuuffeqarniarluni sulinggiffeqarallarnissamut akuerineqartoq, sulinggiffeqarallarnernup nalaani ilaasortaajunnaarnersiutissanik katersaqarsinnaangilaq.

Aalajangersakkap allatut pisinnaatitaaffitsigut inissisimanermik ingerlateqqinnissaa kissaatigineqartumik erseqqinnerusumik tamakkiinerusumillu nassuiaateqartumik imatut oqaasertalernerqarnissaa isumaliutigineqarsinnaavoq.

Imm. 5. Inatsisartunut ilaasortaq Naalakkersuisunut ilaasortatut atuuffeqarniarluni sulinggiffeqarallarnissamut akuerineqartoq, sulinggiffeqarallarnernup nalaani Inatsisartunit aningaasarsiaqartitaassanngilaq sulinggiffeqarallarnernullu nalaani Inatsisartunit ilaasortaajunnaarnersiutissanik katersaqarsinnaanani.

5. Suleriaaseq pillugu Ataatsimiititaliaq tamatumunnga oqaaseqaatissaqarpa?

Qanigisamik toqusoqartillugu pinartumilluunniit napparsimasoqartillugu akiliunneqarluni angalasinnaanermut aalajangersagaq atuumi § 2, imm. 4, siunnersuummit § 4, imm. 5-itut nutaatut ikkunneqarpoq.

§ 4 Inatsisartunut ilaasortat Nuummiumngitsut ukiumut ataasiarlutik Inatsisartut katersuunnerinut atatillugu aappaminnik meeqqaminnillu Nunatta Karsianit akilernerqartumik Nuummumt ingjallortilersinnaatitaanerannut tunngassuteqarpoq.

Tamanna tunngavigalugu isumaliutigineqarsinnaavoq qanigisamik toqusoqartillugu pinartumilluunniit napparsimasoqartillugu akiliunneqarluni angalasinnaanermut aalajangersagaq ilumut § 4-mut tulluurtuunersoq, imaluunniit § 3a-tut nutaatut ikkunneqaruni pitsaanerussannginneroq (imaluunniit § 1, imm. 7-itut nutaatut).

6. Suleriaaseq pillugu Ataatsimiititaliaq tamatumunnga oqaaseqaatissaqarpa?

Aningaasarsiaqartitaanermut inatsimmi § 6 imm. 10-11, imatut oqaasertalerneqarnissaat siunnersuutigineqarpoq:

Imm. 10. Napparsimaneq aamma qanigisap toquneranut napparsimarulunneranulluunniit atatillugu najuutinnginneq Naalakkersuisut Siulittaasuannut Naalakkersuisunullu ilaasortanut pissutissaqavilluni peqataanginnertut isigineqassaaq. Najuutinnginnermi Namminersorlutik Oqartussani tjenestemandinut malittarisassat qaqugukkulluunniit atuuttut malillugit akiliunneqarluni angalasoqarsinnaatitaavoq.

Imm. 11. Naartunermut, erninermut meeravissiartaarnermullu atatillugu sulinngiffeqarneq Naalakkersuisut Siulittaasuannut Naalakkersuisunullu ilaasortanut pissutissaqavilluni peqataanginnertut najuutinnginnertut isigineqassaaq

Aalajangersakkat taakku danskisuii immaqa oqaasertalersugaanikkut pitsaanerpaaffimmiingillat.

Aalajangersakkanik allatut oqaasertaliineq una isumaliutigineqarsinnaavoq:

Imm. 10. Naalakkersuisut Siulittaasuannut Naalakkersuisunullu ilaasortanut napparsimaneq aamma qanigisap toquneranut napparsimarulunneranulluunniit atatillugu najuutinnginneq pissutissaqavilluni peqataanginnertut isigineqassaaq. Najuutinnginnermi Namminersorlutik Oqartussani tjenestemandinut malittarisassat sukkulluunniit atuuttut malillugit akiliunneqarluni angalasoqarsinnaatitaavoq.

Imm. 11. Naalakkersuisut Siulittaasuannut Naalakkersuisunullu ilaasortanut naartunermut, erninermut meeravissiartaarnermullu atatillugu sulinngiffeqarneq pissutissaqavilluni najuutinnginnertut isigineqassaaq.

7. Suleriaaseq pillugu Ataatsimiititaliaq tamatumunnga oqaaseqaatissaqarpa?

Paatsoortoqannginnissaa anguniarlugu Suleriaaseq pillugu Ataatsimiititaliamut ilanngullugu maluginiaqquneqarpoq, inatsisissatut siunnersuutip qulequtaani inatsisissap piareersarnerani kukkusummik annikitsumik Inatsisinut Ataatsimiititaliaq siumuisimasoq. Inatsisinut Ataatsimiititaliap allanguutissatut siunnersuusiorderatigut taanna iluarsivigineqarsinnaavoq.

8. Suleriaaseq pillugu Ataatsimiititaliaq inatsisissatut siunnersuummut allanik oqaaseqaatissaqarpa?

Inussiarnersumik inuulluaqqusillunga

Laura Tàunâjik
Inatsisinut Ataatsimiititaliami Siulittaasoq